



菲律賓南瀛吟社編 第562期

◆農夫

客地寒食雨

久旱忽瀟瀟，知時好雨飄。
池中荷捧露，牆下草伸腰。
天潤精神振，風清暑氣消。
但逢寒食日，倍嘆故園遙。

◆王斐

又是清明

清明清明復清明，百歲人生不了情。
一年一度清明節，唯見新塋疊舊塋。

◆柳夢影

夜夢戲作

綺夢紛繁為那般，依然死水有波瀾。
翩然蝶影偶相遇，醉我心魂一夜間。
柳絮隨風西復東，相逢何必有情濃。
惆悵徒然留紙筆，湖光雲影嘆匆匆。
已慣此生假作真，繁花過眼委泥塵。
終歸好夢雲煙散，何事妄求徒苦辛。

頹廢詩寄友

君子之交如水淡，此生何幸得同行。
百年無計消愁苦，你縱酒來我縱情。
縱情縱酒兩傷身，是罵是譏請任人。
空負青春終不悔，有涯盡處是泥塵。

◆醺人

返步奉和

柳夢影兄《頹廢詩寄友》

疫情已控尋詩樂，對酒無妨縱逸情。
自古千杯驅頹廢，人生苦短醉醺行。
新題寫盡舊紅塵，酒後詩前一樣人。
兩袖清風高傲骨，金剛不壞鐵錚身！

返步美成周前賢暨頑童小老弟
《霜葉飛·復活節有感》

永恆非少。源歐陸，風融菲島情調。
每年度敬一星期，穆肅難終了。
聖氛下、平安在抱。幸承天主恩周到。
叩拜摯棕欄，頌上帝、悠聲不絕，蠟燭光照。

仗劍傳教招徒，談何功德，變相強梁欺小。
怎如置酒論詩詞，致遠寧中情！李白杜康天下曉。
神仙藝術言行表。啃聖經、親平仄，殊路同歸，另番甘草！

◆松濤

卜算子慢·清明感懷

陽春蝶戲，花雨蕙芳，碧水迸階苔綠。
嵐嫩輕寒，新柳暮煙如沐。問桃花、十里薰風足。
爽氣逼、清明節近，雲窗翠幕蜂簇。

霽景盈雙目。看處處青山，九原川陸。別恨縈牽，淚灑北枝斑竹。
慰忠魂、獨向蒼天哭。送落日、空追往跡，嘆時光難復。

憑欄無語

千山桃李似花紅，草木涵濡正鬱蔥。
鷗鳥平灘煙雨外，漁舟古渡夕陽中。
爾時契闊深情在，夢裏心期誰與同。
明日欲從何處往，憑欄無語寄飛鴻。

◆陳貽新

溜海滔滔分外嬌

碧蒼蒼連絳霄，風光旖旎盡妖嬈。
高低沙鳥頻橫縱，遠近漁舟獨灑瀟。
浮嶼雄驅千里浪，長堤偉擋九龍潮。
波濤滾滾無明夜，溜海滔滔分外嬌。

◆施滄液

清明

清明節序雨風兼，不為春容撩柳簾。
何處荒郊埋朽骨，誰家新冢哭先嚴。
紙錢化蝶繞山秀，竹淚凝煙滴筍尖。
遠近兩三聲杜宇，啼殘幽恨逐年添。

◆宸馨

感懷清明

空濛霧雨濕春陰，節序清明時漸深。
柳絮飛愁鶯亂語，葉聲入夢客傷心。
誰家橫笛還如昔，故地離歌猶自臨。
盡孝黃泉殊異路，孤啼殘樹杜鵑吟。

減字木蘭花·清明

微風杏雨。柳絮飄垂傳鳥語。
又惹心馳。節氣清明杜宇啼。

幾回魂夢。祭酒一杯臨海送。
客旅哀愁。望斷流雲緒不休。

◆逸峰

清明寄懷

盛世文明創意迎，古今華夏百家旌。
和風細雨清明節，曠野高原豁達情。
萬里山川風貌盛，千秋哲理政情衡。
恭誠雅緻溫馨範，傾慕復興丹幟擎。

霜葉飛·復活節有感
——返步车和老頑兄耶教東傳誌

認知多少？虛懷釋，文明優雅基調。
守真方向展胸襟，判斷隨心了。正義辨、先來後到。
客觀姿態軒然抱。歲序換春秋，舉首探、輪迴自動，酷月輝照。

宗教信仰情真，不關科智，認識端正明曉。
太空寥廓慎思間，探望知渺小。寥豁野居欣寂悄。
哀情掛念無聲表。適養恬、嚴思緒，寂靜天然，野林芳草。

◆勞麓

返步奉和
逸峰兄《清明寄懷》

千秋立節合心擎，傳統德基賴以衡。
穆肅懷先源自敬，虔誠憶舊出乎情。
追思本意同欽念，點燭焚香各樹旌。
故里清明傳孝訓，亡人異俗也歡迎。

註：菲國訂每年十一月一日為亡人節。

◆老頑童

霜葉飛·復活節有感
——步周美成「露迷衰草」韻，誌耶教東傳

外來芳草。耶穌教，東流聲徹雲表。
一人回活整週譚，魅力何曾悄！復活節、家傳戶曉。
說神迷眾還非小。暮暮又朝朝，咬聖餅、群聽彌撒，十字遐照。

遙憶數百年前，西班牙艦，呂宋侵境初到。
廟堂興建遍千方，土產歸懷抱。統治霸權今走了。
遺留處處洋腔調。過聖週、裝模樣，真正慈悲，又知多少？！

【南瀛社課】

===== 2023年4月 =====

主題：疫後重逢
體裁：題目自擬，作律詩或填詞一首。

⊗⊗⊗⊗⊗⊗⊗⊗⊗⊗⊗⊗⊗⊗⊗⊗⊗⊗⊗⊗

農夫

疫後重逢

最難風雨故人來，劫後重逢喜遜哀。
可幸汝我留狗命，但悲朋輩化塵埃。
原當三載如春夢，誰料一場滅頂災。
若問今時何所願，健康二字不須猜。

王承天

相聚抒懷

菲邦歡聚暮春時，風起雲飛月現遲。
聞健傾杯歌款曲，思君三載亂霜絲。
壺中佳釀今同酌，世上喜悲各自知。
我本天生多情種，情牽黎庶繫安危。

松濤

百感情懷

楊柳東風紫氣來，愁眉一展見天開。
故園春色南薰動，島國蕉花夕照催。
已喜晴光無瘴霧，旋祈甘雨洗塵埃。
共看明月人千里，百感情懷酒滿杯。

宸馨

敬老老頑童詩長
《青山依舊在》韻

淨雨滌乾坤，祥霞映我門。
風吹千葉動，藥救萬家存。
好景欣為伴，歡心樂欲奔。
友朋飛笑語，劫後更懷恩。

步韻謝老頑童詩長
《青山依舊在》

垂仁唱和恩，激勵緒狂奔。
海角詩情在，吟壇雅氣存。
墨香盈陋捨，文錦照蓬門。
寄願新晴日，清風拂厚坤。

◆陳挺

驚聞故鄉暴雨

忍聽南閩水患侵，登高北望陣雲深。
愁邊夢裏天空破，劫外人間道路沈。
霧鎖霜凝常在念，雨霾風障總關心。
蓬蒿未許青山亂，萬里鄉情自不禁。

◆蔡天生

清明時節，羈旅菲邦，關山阻隔，望雲思親，一懷愁緒，滿腹惆悵，猶思父母，潸然淚下，填鷓鴣天詞兩闕，聊寄思親之情矣！

調寄鷓鴣天·清明時節緬懷家嚴

每憶嚴親滄海流，黯然長訣卅春秋。
諄諄教誨安能忘，歷歷音容思未休。

多磨難，不低頭，百折不撓志未酬。
長歌擊築對詩酒，浩氣傲然孰與儔。

調寄鷓鴣天·清明

早趁清風趨路亭，成群結隊踩新青。
萍蹤綠浪溢田野，歸雁凌空列隊形。

行孝道，謁先陵，荷鋤祭掃踏莎行。
交流暢敘平常事，一脈至親家族情。

老頑童

返步奉和

農夫兄《疫後重逢》

天心喜怒最難猜，或惠和風或降災。
世態流年猶弱水，浮生宿命若涓埃。
高朋酒座方舒暢，輓軸靈堂不勝哀。
疫後重逢環眼顧，千情百緒湧泉來！

青山依舊在

惡疫鬧乾坤，三年後出門。
青山依舊在，舊雨幾多存？
逝者輕憔悴，生人碌喪奔。
街頭逢老友，執手謝天恩！

返步奉覆

宸馨吟長《青山依舊在》

賜韻是殊恩，神交勝訪奔。
青山依舊在，雅客幾多存。
逸創滋馨埠，空投惠我門。
瘟神攔不住，暖意貫乾坤！

一七令·青山依舊在

暖。

新冠，為害。

虐全球，連三載。

孰惹天威，何來孽債。

舊雨幾多存，青山依舊在。

生靈逝殂難受，市井蕭條怎耐。

朋知劫後偶相逢，分外惜緣分外慨。

逸峰

漫步奉和老頑兄

《一七令·青山依舊在》

暖。

苛求，忍耐。

苦難擔，莊嚴在。

病毒凶災，淫威厲害。

承擔汗馬功，應對天災債。

防疫大度慈悲，濟困多端慷慨。

公眾衛生科學遵，流行疾病堪承載。

漫步奉和諸吟長

《青山依舊在》

仁愛似無存，旋乾復轉坤。

鬥爭煙火蔓，逃難野林奔。

戰火難規避，貪婪急救恩。

塵寰民眾苦，祈望叩空門。

返步奉和老頑兄五律

《青山依舊在》

朽歲憶慈恩，童齡海外奔。

良知雖健在，壯志卻無存。

世界和平道，人間道義門。

蒼黎求富貴，正義拯乾坤。

醺人

玉漏遲·新冠劫後

——步吳夢窗

「雁邊風信小」原韻

歎新冠病毒，雖趨平息，三年嫌晚。
幾許生靈，經歷死神斃腕？
原本多災塵世，鬧瘟疫、徒添慌亂。
樽照滿。新知舊雨，煙消過半。

方聚飲、忽幽冥，縱使盡千杯，莫排愁怨。
醇酒佳詞，只好遙呈靈幔。
即便睽穿兩界，還難免、肝腸磨轉。
張醉眼。稽首謹終追遠。